

Date – 08/10/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. Larsap, General (Retd) Vijay Kumar Singh-a'n mipuiten RTI chu tangkai zawka an hman theih nan RTI ACT chungchang an hriat chian a pawimawh tih a sawi.
2. Tourism Minister Pu Lalnghinglova Hmar chuan Mizoramah khualzin an pun nasat avangin a dawngsawng turin Mizo mipuite an inbuatsaih a ngai a ti.
3. Prime Minister Narendra Modia chuan digital hmanga inbiakpawhna chu mi hausate hman tur chauh ni tawh loin wawiinah chuan rampumah mitin nuna bet tlat a ni tawh a ti.
4. World Bank chaun kum 2026-ah ram hmasawanna chu zaa 6.5 in a thang dawn niin a sawi.



RTI WEEK

Larsap, General (Retd) Vijay Kumar Singh-a'n mipuiten RTI chu tangkai zawka an hman theih nan RTI ACT chungchang an hriat chian a pawimawh tih a sawi.

He thu hi wawiina Right to Information (R.T.I) Week lawmna, A.T.I Auditorium, MINECO-a a hmanpuinaah sawiin, Larsap chuan RTI Act chu langtlang, mawhphurhna la ngam leh mipui telna Sawrkar siamtu, eirukna leh rorelna dik lo hailang a, democracy inngahna leh tha tichaktu a ni, a ti a. Sawrkar laipui ruahmana Sawrkar tha siam tura hmalaknate sawiin, chungte chu langtlang leh mipuite thuk zawka an telna tur sawrkar din tura siam vek a ni, a ti.

RTI Act chu mipuite tha tichaka thuneihna petu a nih laiin, midangte chhahibuai nan hrim hrima hman sual a rem lo a ti a, mipui rawngbawlina lam hawi ni lo thil, hun leh tha khawhral nana hman loh tur a ni tih sawiin, sawrkar hnathawkte pawh RTI Act-in a phut angin mawhphurhna an hlen chhuah zel a tul a ti a, an nitin hnate thawk thei lo khawpa RTI hmanga harsatna siam sak erawh ven a tul thu a sawi bawk.

Larsap chuan Mizoramah sum hmuh nan leh mahni hmasial taka RTI Act hmang sual an awm lo ni a a hriat thu leh chhuanawm a tih thu sawiin, kalkhawmte

chu mipuite'n RTI Act an hmehhriat lehzuala tangkai taka hman a nih theih nana theihtawp chhuah turin a chah a ni.

Byte: Governor

Vawiina R.T.I Week hmannaah hian Chief Information Commissioner Pu John Neihlaia chuan thu sawiin, Mizoram chu India rama RTI Act bawhzui tha berte zinga mi a ni a ti a, kum 2022 July ni 1 atangin Mizoramah RTI online system kalpui a nih thu leh India rama hetiang kalpui thei hmasa state zinga 8-na a nih thu a sawi a. Nimin October ni 7 thleng khan RTI online application sing 2, 2,078 a luh tawh thu leh, chawhrualin nitin zawhna 18.5 zel lut anga ngaih a nih thute, kumin 2025 ah nitin zawhna 23.6 leh October thla bikah nitin zawhna 31 zel lut anga chhinchhiah a nih thute a sawi a. Pu John Neihlaia chuan RTI Act tihlawhtling turin thawhtute tan la turin a sawm a ni.

(BYTE-CIC)

He hunah hian public authority website enkawl tha sorkar department te hnenah lawmman pek a ni a: 1-na: Directorate of Tourism, 2-na: Mizoram State Legal Services Authority, 3-na: Directorate of Economics & Statistics leh Consolation: Planning & Programme Implementation Dept leh PHE Dept in an la a ni. RTI Week hi Dist dangah pawh hman a ni.

<><><>

PORTFOLIO

Mizoram sawrkar chuan vawiin khan Minister te hna chanpual department a siksawi a, Minister of State Pu B. Lalchhanzova'n Dr Vanlalhlana chan Information, Public Relations, Printing & Stationary Department a enkawl ang.

Larsap Gen (Rtd) Vijay Kumar Singh chuan Chief Minister thurawn angin Minister pahnih Dr Vanlalhlana leh Pu B. Lalchhanzova te hna chanpual a ti danglam a, Dr Vanlalhlana chuan a chan pangai thin School Education Department, Higher and Technical Education Department leh Finance Department hnuai Taxation chungchangah Chief Minister a pui dawn a, Minister Pu B. Lalchhanzova'n a deparment chan mek pahnih Food, Civil Supplies and Consumer Affairs leh Land Revenue & Settlement Department bakah Dr Vanlalhlana department enkawl mek Information, Public Relations, Printing & Stationary Department a chang dawn a ni.

<><><>

TOURISM MINISTER

Tourism Minister Pu Lalnghinglova Hmar chuan Mizoramah khualzin an pung nasa hle tih sawiin hemi dawngsawng turin Mizo mipuite an inbuatsaih a ngai a ti.

He thu hi vawiina Aijal Club-a Mizoram Travel Fest-2025 hawnaah sawiin, Tourism Minister chuan kum tam vak lo liamta atang khan Mizoramah khualzin lut an tam hle a, abikin kum 2024 atanga kum 2025 inkarah khan ram chung leh pawn atanga khualzin zat chu Mizoram a cheng zatve vel an tling niin a sawi a, kum 2024-25-a Sairanga rel a luh hma in khualzin nuai 5, sing 2, sang 4, 784 an awm a, kum hmasa aia a punna chu nuai 3, sang 5,670 niin, zaa 139.05 a tling a ni a ti. Sairanga

rel a rawn luh hnuah phei chuan khualzin an pung leh zual tih sawiin, Mizoram mipuite chuan khualzin te chu engtingge an lo mikhual ang tih te, Mizoram an rawn tlawh duh zel nan engtianga lo inbuatsaih tur nge tih te chu Mizoram Travel Fest-2025 ah hian zirchhuah an tum dawn tih a sawi.

Byte: Tourism Minister Pu Lalnghinglova Hmar

Tourism Minister chuan karleh maia Champhaia Hnabsin kut neih turah pawh Champhaia hotel leh homestay bakah tent te pawh an hauh fai vek tawh a ti a, November thlaah Leitlangpui music festival leh Red bull urban downhill te pawh buatsaih a la ni dawn tih sawiin, December thlaah pawh Winter Festival bakah thil lian tak thlen theih an inbeisei a a ti.

Vawiina atanga neih tan Mizoram Travel Fest-2025 hi Zirtawpni thleng khian neih a ni dawn a, Travel Fest hawna inkhawm neih zawh hian Aijal Club Park ah YWCA nen tangkawpa buatsaih, Mizo Thali Cooking Competition neih chhonzawm a ni.

<><><>

SUPPLY MINISTER

Food Civil Supplies & Consumer Affairs Minister Pu B. Lalchhanzovan Supply Dept kudam zawng zawnga hman tur bukna-Digital Weighing Scale (DWS) thar 112 vawin khan a hawng a, Saitual, Khawzawl leh Champhai district-a hman tur DWS 35 phurtu motor a vai liam nghal a ni.

Minister Pu B. Lalchhanzova chuan FCS&CA kudam zawng zawnga Digital Weighing Scale hman a ni tawh dawn chu lawmawm a tih thu sawiin, mipuite'n sawrkara rinna an ngah theihna tura hmanraw tangkai tak a ni a ti.

Minister chuan Aizawl East leh Aizawl West DCSO office tur MINECO-ah sak a nih dawn thu a sawi bawk a. Tun dinhmunah hian Supply Dept chuan mipuite ngaihngam taka an awm theihna tur khawp buhfai kudamah an chhekkhawl thu a tarlang a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PWD MINISTER

PWD Minister Pu Vanlalhlana chuan Mizoram hmar lam tlangdunga khawkar kawng hrang hrangte a tlawhkual a, kumin fur ruahtui tla nasain a tihchhiat Khawruhlian khaw hnuai NH-02 kawng, thawmthat hna kal mek pawh a hmunah kalin a enfiah nghal.

Khawruhlian khaw bula NH-02 kawngpui hi kumin July thla leh September thla khan metre 50 vela zauin hmun hnihah, lirthei kaltlang theih lohin a tlabal a, PWD ten chak taka hmalain tunah hian temporary-in thawmthat hna thawk mek a ni a, lirthei pawh a tlang leh thei tawh a; Special Repair Estimatecheng vbc 2 leh nuai 65 chu September ni 9 khan Ministry of Road Transport & Highways-ah thawnthlak a ni tawh bawk a ni.

Minister hian kumin October 21-23 a Sakawrdaia YMA General Conference neihna tur atana inbuatsaihna ni pahfawmin leh mipuite tan zin veivahna nuam leh him zawk a awm theih nan, Mizoram hmarlam tlangdung kawng hrang hrangte, Sakawrdai thlengin a tlawh leh bawk a; Mauchar, Serkhan leh Bagha inkar kawngte bakah Sihphir leh Durtlang inkar kawngte pawh a tlawh leh bawk dawn a ni.

<><><>

PM

Prime Minister Narendra Modia chuan digital hmanga inbiakpawhna chu mi hausate hman tur chauh ni tawh loin vawiinah chuan rampumah mitin nuna bet tlat a ni tawh a ti. Vawiina India Mobile Congress, New Delhi-a a hawannaah he thu hi sawiin Pu Modia chuan 2G ah pawh harsatna awm thin kha tunah chuan ramchhung district tinah 5G a thleng tawh a ti bawk.

(Byte) Ni li awh tur he inkhawmpui hi Asia-a a lian ber niin telecom leh technology lama hmasawna tur hrang hrang ngaihtuah a ni ang.

<><><>

BIHAR

Bihar inthlan lo awm turah National Democratic Alliance (NDA) leh opposition Grand Alliance te chu seat insem dan turah an la inrem thei lo ve ve. Sawrkar lai NDA te hi an thawhpui Union Minister Chirag Paswan-a kaihhruai Lok Janshakti Party (Ramvilas) te bakah an an thawhpui dang Hindustani Awam Morcha te chuan an duh ang seat an beisei tam avangin an la inrem thei lo a. HAM hotupa leh Union Minister Jitan Ram Manjhi chuan BJP leh JD(U) te atangin seat 15 a beisei a. Vawin khan BJP kaihhruaiin heng seat insem dan tur ngaihtuah hian thutkhawm leh a ni. Hetihlai hian Opposition lamah pawh inremna an la nei thei lo a. Congress leh CPI(M) te chuan seat chan tam an tum avangin inremna an la siam lo a. Hei bakah hian Chief Minister atan Tejashwi Yadav chu Congress in anla pawm lo bawk a. Inbiakna an kalpui mek a ni.

<><><>

WORLD BANK

World Bank chaun kum 2026-ah ram hmasawna chu zaa 6.5 in a thang dawn niin a sawi. Kumin June thla khan ram thanna hi zaa 6.3

turin a chhut lawk a. Mahse tualchhungah mipui thil lei a pun zel vangte, thingtlang lamah sum leh pai dinhmun insiamtha chho mek leh Goods and Services Tax (GST) siamthatin nghawng tha a neih dawn avangin a chhut lawkna hi a rawn ti sang leh a. South Asia Development Update a tarlan danin World Bank chu India chu khawvel ram lian zingah eibar zawinna kawnga thang chak ber anih thu a sawi a ni.

<><><>